

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 26/ 07/ 2025

CM DEORALI OUTPOST

གཙོ་སྤྱི་ གློན་པོ་ Prem Singh ཏྲ་དམག་ གིས་ ད་རིང་ Deorali ན་ གསར་པོ་ བཟོ་ ཟུང་མཁན་ Police Outpost ལས་ཁུངས་ གྱི་ འགོ་སྤྱི་ གནང་བོ་ ཨིན། ལས་ཁུངས་ འདི་ གི་ ཁྲིམས་ དྲུང་ ལོ་ ལེདམ་ བཟོ་ཤད་ མ་ལག་ རྒྱུ་རམ་ ལོ་ བསྐྱབས་པོ་ ཏོན་ཏན་ བྱས་ཤད་ དང་ ས་གནས་ ཨོ་འདི་ གི་ ཁི་སར་ དང་ འབྲུལ་སྐྱོར་པོ་ ཚུའི་ སྤང་སྦྱོར་ བྱས་ཤད་ རོན་ཆེན་ བཞག་ ཡོད། གསར་པོ་ འབས་ཅེ་ གི་ སྐང་ཏོག་ གི་ ཐམས་ཅད་ ལས་ སྦྱང་པོ་ གཡོག་ བྱས་བཞིན་ ཡོད་ས་ ཚུ་ རང་ལས་ Deorali ཅིག་ ཐོན་ས་ལས་ ཕུ་ལི་སི་ ཞིབ་སྦྱང་ ལོ་ སར་པོ་ དང་ སྦྱིག་ཀྱ་ དང་ གནས་ཏང་ ལེདམ་ བཟོ་བཞག་ ཤད་ ད་གྲིང་ སྦྱབ་པོ་ ཨིན། ཏོན་གོད་ Deorali གི་ ཕུ་ལི་སི་ outpost རྒྱུང་རྒྱུང་ ཡོད་ས་ལས་ ལས་ཁུངས་ གྱི་ ལེདམ་ བྱས་ ཕྱག་ལས་ གནང་ མ་ཚུད་པོ་ ཡོད་པོ་ སྤང། དུས་ཚེད་ མཉམ་ཅེ་ ཕུ་ལི་སི་ ལས་ལག་ གི་ དང་ལེན་ བྱས་མཁན་ བདོན་སྤྱད་ ཚུའི་ ཐབས་ལམ་ ཏོན་ཤད་ རོན་ལས་ འདི་ གསར་པོ་ ལས་ཁུངས་ བཟོ་བོ་ ཨིན། Nov 2022 ན་ བཟོ་ཤད་ འགོ་བཙུག་ ཤད་ འདི་ གསར་པོ་ ཕུ་ལི་སི་ ལས་ཁུངས་ འདི་ Dec ཚེས་ 22 2024 ན་ བཟོ་ ཟུང་པོ་ སྤང།

PMVP YOJANA

Press ལོན་འབྲེལ་ Bureau, སྐང་ཏོག་ དང་ EPFO འབྲས་ལྗོངས་ གྱི་ གཅིག་མཐུན་ ཞེན་ ད་རིང་ སིད་གློན་ Vikshi Bharat Rojgar འཆར་གཞི་ ཚུ་ སྐྱོར་ལས་ གསར་ཤོག་ ཀོ་ ཚེད་བཟུ་ ཅིག་ བཞག་གོ་ ཨིན། དུལ་ཚེད་ PF གཙོ་འཛིན་ Kessang Namthak Tenzing གི་ Media ལོ་ གསུང་སང་ གནང་བཞིན་ འདིའི་ རོན་ཆེན་ འཆར་གཞི་ གི་ ཁྱབ་སང་ དང་ འབྲས་ལྗོངས་ ཁི་སར་ གི་ Aug ཚེས་ 7 2024 ལས་ འབྲུམ་ ཚུག་མཁན་ ཐོབ་ཤོས་ ཚུ་ ག་ཏེ་ ཐོབ་ཚུད་པོ་ བྱས་ཤད་ སྐྱོར་ལས་ ཡང་ རོན་ཆེན་ ཡོད་པོ་ གསུང་པོ་ ཨིན། སྤྱི་འབས་ བཟུན་འཛིན་ གི་ གསུང་པོ་ ཨིན་ - སིད་གློན་ Viksit Bharat Rojgar Yojana འདི་ ད་ལྟའི་ རྒྱ་གར་ བྱང་ཁའ་ མེད་པོ་ ཡོད། འཆར་གཞི་ འདི་ ལས་ མགོ་ དང་པོ་ གཡོག་ སྦྱབ་མཁན་ ཁི་སར་ མཉམ་ཅེ་ ཁོང་ཚུ་ ལོ་ གཡོག་ བྱིན་མཁན་ ཚུ་ ལོ་ ཡང་ བྱས་སང་ ཐོན་ཤད་ ད་གྲིང་ ཡོད། འཆར་གཞི་ འདི་ ན་ དུལ་ རྩོད་ཕྱག་ 17666 crore ཡོད་ དང་ འདི་ ལས་ ས་ཡ་ 3.4 crore རྒྱ་གར་ ཁི་སར་ ལོ་ ཐོབ་ཤོས་ ཐོན་ཤད་ ལབ་ ཡོད།

KARGIL DIWAS

ಕ್ರಿ.གར་ དམག་མི་ Trishakti Corps གི་ ད་རིང་ Kargil དམག་མི་ ཏམ་པོ་ ཆེན་ ཅུའི་ ལྷོ་བས་ཤུར་ དང་ སྟུང་ འཛིན་པོ་ ལོ་ ཞེས་ ལུལ་བཞིན་ Kargil Vijay Diwas ལ་བ་ཏི་ སྟུང་ཅིང་ བྱས་པོ་ ཡིན། ཕྱི་ལོ་ ༡༩༩༩ གི་ Kargil དམག་ན་ རྒྱལ་ཁབ་ གི་ རོབ་མཁན་ རྒྱལ་རབ་ ཅན་ རྒྱལ་མཁན་ གྱི་ འོན་སོ་ ར་ ལོ་ ཨ་ཏང་ July ཆེས་ ༢༥ ར་ ཉིན་ འདི་ སྟུང་ཅིང་ བྱས་སྟེ་ ཡིན། ཉིན་ འདི་ ར་ རྒྱལ་ཁབ་ གི་ གཅིག་མཐུན་ གི་ སྟུང་སྟོབ་ འོན་ལས་ དམག་ན་ རྒྱུན་མཁན་ དང་ སྟུང་ མཇལ་པོ་ ལུལ་མཁན་ ཏམ་པོ་ ཅན་ དམག་མི་ ཅུ་ ལོ་ ཐུར་གསོ་ སྤེན་ལས་ ལུལ་པོ་ ཡིན། Sukana དམག་མི་ station མཉམ་ཅེ་ Trishakti དམག་ འོན་གསོ་ ས་གནས་ ར་ མོན་ཏྲོག་ ལུལ་ཤང་ ལས་རིམ་ རོན་པོ་ སྤང། དུས་སྐབས་ འདི་ ར་ དམག་མི་ ཉོན་ཀོ་ ཅུ་ ལོ་ རྒྱལ་ཁབ་ འོན་ལས་ ཁོང་ གི་ ལུལ་མཁན་ ཞབས་ཅེ་ འོན་ལས་ ཞེས་ ལུལ་པོ་ ཡིན།

TEACHER TRAINING

འཕྲོད་བསྟེན་ དང་ ཟ་ཆོང་ ལོག་ཏུ་ ལས་ལག་ གི་ “Rashtriya Kishore Swasthya Karyakaram” RKSK འོན་བཞི་ སྟོབ་གྲ་ འཕྲོད་བསྟེན་ དང་ ལོག་ཏུ་ ལས་རིམ་ རང་ལྟར་ སྟོབ་གྲ་ ཅུ་ ར་ མི་ཆེ་ ཆོད་ཐབས་ ཡོན་ཏན་ སྟོབ་ཆེན་ བྱས་སྟུང་ ཏང་ཤང་ འོན་ལས་ འབྲས་སྦྲངས་ གྱི་ སྟེར་གི་ སྟོབ་གྲའི་ ༥༢ ཐམ་བ་ སྟོབ་དཔོན་ ཅུའི་ འོན་ལས་ ཉིན་ ༩ རིང་ཀོད་ དགོས་གལ་ ཤེས་ཡོན་ སྟུང་དར་ ད་རིང་ བྱར་ཏུག་ གི་ SCERT ར་ སྟུབ་འབྲས་ ལེདམ་ མཉམ་ཅེ་ སྟུང་པོ་ ཡིན། ཤེས་ཡོན་ འདི་ གི་ སྟོབ་དཔོན་ ཅུ་ ལོ་ NCERT གི་ བཟོ་མཁན་ Modules ཅུ་ འོན་བཞིན་ ༡༡ ཐམ་བ་ མགོ་ཡིག་ ཆེན་པོ་ ཐུར་ཅུ་ ར་ འོན་ཆེན་ ཡོད་མཁན་ མི་ཆེ་ ཆོད་ཐབས་ སྟུང་དར་ ཅུ་ བྱིན་བཞིན་ ཡོད་པོ་ ཡིན།

SIMFED

སྤེན་ཉོན་ དང་ ཨ་རག་ ཞེ་ཤང་ ལོང་ཤོས་ ཤེས་ཡོན་ དང་ HIV AIDS སྟོར་ལས་ ཤེས་ཡོན་ མཉམ་ཅེ་ སྟུང་པའ་ བྱག་ ཞིབ་སྟུང་ camp ད་རིང་ སྤང་ཏྲོག་ གི་ M.G Marg ར་ བཞག་ཀོ་ ཡིན། ལས་རིམ་ འདི་ Goodwill Educated Unemployment Cooperative Society གི་ ༢༧ པོ་ Gangtok འོང་ལོང་ ཡུལ་ཆོར་ མཉམ་ཅེ་ གི་ རོར་རམ་ མཉམ་ཅེ་ འཕྲོད་བསྟེན་ དང་ ཟ་ཆོང་ ལོག་ཏུ་ ལས་ལག་ SIMFED གི་ རོར་རམ་ ར་ བཞག་ཀོ་ ཡིན། ལས་རིམ་ ར་ སྟུང་པའ་ བྱག་ ཞིབ་ སྟུབ་པོ་ ཡིན། ལས་རིམ་ འདིའི་ འོན་ཆེན་ འདི་ སྤེན་ཉོན་ ཞེ་ཤང་ ལོང་ཤོད་ མ་ལེདམ་ HIV ར་ཆ་ དང་ མི་ཆེ་ འབྲེལ་གྱི་ ར་ཆ་ ཅུ་ སྟོར་ལས་ ཤེས་ཡོན་ ཕད་ཤང་ འོན་ལས་ ཡིན། འདི་ ར་ SIMFED གི་ གཙོ་འཛིན་ གྱི་ ཐབས་ཚད་ འདི་ལོ་ དགའ་ཁྱ་ འབྲན་ཤང་ འཕྲོད་བསྟེན་ དང་ སྟེ་ཆོར་ ལོག་ཏུ་ འཆར་གཞི་ ཅུ་ ལོ་ རྒྱབ་ཚའ་ བྱས་མཁན་ SIMFED གི་ དམ་ཚའ་ ཡོད་པོ་ གསུང་བ་ ཡིན།

DEORALI SCHOOL – WALKATHON

Deorali བུ་མའི་ འབྲིང་རིམ་ ཐོ་བའི་ སློབ་ལྷན་གི་ ད་རིང་ ང་རྒྱལ་ མཉམ་ཆེ་ སློན་ལས་ རྒྱུད་ཤད་ རྒྱལ་རབ་ ན་ གོང་པོ་ བཞག་གེ་ ལ་བ་ཏི་ མགོ་ཡིག་ མཉམ་ཆེ་ རང་ གི་ ལོ་ ༥༠ ལོ་དཔྱོད་ ཅུ་གྱིང་ གི་ གོན་སོ་ བྱས་ཤད་ དང་ ལས་ཁུངས་ གི་ Golden Jubilee སྤྱང་ཆེད་ བྱས་ཤད་ གོན་ལས་ walkathon བཞག་གོ་ ཡིན། Walkathon འདི་ འབྲས་ལྗོངས་ མངའ་སྡེ་ རྩོམ་པའི་ ཞི་སོ་ ན་ ཡང་ འབྲལ་བ་ བཞག་གོ་ སྤང། ལས་རིམ་ ལོ་ སློན་པོ་ Arun Upreti གི་ འགོ་བྱི་ གནང་བོ་ ཡིན། འདི་ ན་ གསུང་ཤད་ གནང་བཞིན་ སློན་པོ་ Upreti གི་ མངའ་སྡེ་ ན་ ལོ་ཤོག་ ཡོན་ཏན་ ན་ སློབ་ལྷན་ གི་ རྟོ་རམ་ ལོ་ དགའ་ཀྱ་ འབྲན་པོ་ ཡིན་ དང་ ཤེས་ཡོན་ ལས་རུང་ གི་ རྒྱལ་རབ་ སྤྱང་སློབ་ རྟེང་ལོ་ ལྷ་ལྷ་ གནང་བོ་ ཡིན། སློབ་དཔོན་ ཅུ་ མཉམ་ཆེ་ སློབ་ཕྱག་ ཅུ་ ཉན་གོ་ སློབ་ཕྱག་ ཅུ་ དང་ མི་སར་ གི་ walkathon ན་ ལྷ་འགན་ ལེན་པོ་ ཡིན།

BOXING

འབྲས་ལྗོངས་ Amatear Boxing Association གི་ བཞག་མཁན་ 2025 Boxing Championship Reshithang ན་ ཐོན་བཞིན་ ཡོད། ལས་རིམ་ འདི་ ལོ་ འཁོར་ལམ་ དང་ ཟམ་པོ་ སློན་པོ་ N.B Dahal གི་ འགོ་བྱི་ གནང་བོ་ ཡིན། July ཚེས་ ༢༥ ལས་ ༢༥ ༢༠༢༥ སང་ལྷེ་ བཞག་མཁན་ གོན་བསྐྱར་ ན་ རྫོང་ཁ་ ༥ ལས་ ༡༠༧ ཐམ་བ་ ཆེད་མི་ ཅུ་ གི་ བྱད་ལེན་ ཡོད།